



Broj: 02/06-04-12846-4-3-3/25

Datum: 18.07.2025. godine

Na osnovu člana 70. stavova (1), (2), (3) i (6), člana 71., člana 72 stav (3) tačka a) Zakona o javnim nabavkama („Sl. glasnik BiH“, br. 39/14, 59/22 i 50/24), Sekretar Ureda za zajedničke poslove kantonalnih organa, donosi:

ODLUKU

o izboru drugorangiranog ponuđača i dodjela ugovora

Član 1.

U postupku javne nabavke i isporuke energenata za zagrijavanje prostorija (peleta) LOT 3 – za ugovorne organe na području: Banovića, Kladnja i Živinica, Okvirni sporazum će se zaključiti sa ponuđačem „Erax- Invest“ d.o.o. Banovići, ponuda broj: 097-AD/25 od 16.06.2025 godine za ponuđenu cijenu **162.100,00 KM** (bez PDV-a) nakon održane e-aukcije.

Član 2.

Ponude ponuđača „BIOCONCEPT d.o.o.“ i „ENSA BH d.o.o.“ odbačene kao nepravilne u skladu sa članom 68. stav (4) tačka i) Zakona o javnim nabavkama, jer nisu potpune i ne ispunjavaju zahtjeve iz tenderske dokumentacije.

Član 3.

Ovom odlukom stavlja se van snage Odluka o izboru najpovoljnijeg ponuđača broj 02/06-04-12846-4-3-1/25 kao i Obavještenje o rezultatu postupka javne nabavke broj: 02/06-04-12846-4-3-2/25 od 20.06.2025. godine kojom je izabrani najpovoljniji ponuđač „Ali & Vis“ d.o.o. Kreševo, obzirom da je navedeni ponuđač propustio u roku dostaviti original ili ovjerene kopije kojima dokazuje ispunjavanje uslova obuhvaćenim Izjavom po članu 45 Zakona o javnim nabavkama propisanu tenderskom dokumentacijom.

Član 4.

Ukoliko se ispune svi uslovi propisani Zakonom o javnim nabavkama BiH, okvirni sporazum će se dostaviti na potpis izabranom ponuđaču po proteku roka od 15 dana, računajući od dana prijema odluke ugovornog organa o izboru najpovoljnijeg ponuđača. Okvirni sporazum se zaključuje na period od 12 mjeseci.

Član 5.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/6-04-012846/25 od 29.04.2025. godine.

Javna nabavka je provedena putem otvorenog postupka. Izbor ponuđača izvršen je na osnovu kriterija najniža cijena.

Procijenjena vrijednost javne nabavke iznosila je 174.330,00 KM (bez PDV-a). Obavještenje o nabavci broj: 1116-1-1-15-3-31/25 objavljeno je na Portalu javnih nabavki 30.04.2025. godine.

Komisija za javnu nabavku imenovana Rješenjem o imenovanju Komisije za provođenje postupaka centralizovanih javnih nabavki broj: 02/06-30-21554/25 od 04.06.2025.godine izvršila je otvaranje ponuda dana 16.06.2025. godine. Nakon izvršenog vrednovanja, Komisija je ugovornom organu dostavila Zapisnik o ocjeni ponuda broj: 02/06-04-12846-4-325 od 16.06.2025. godine, koji je ujedno preporuka o izboru i izvještaj o radu Komisije, u postupku predmetne javne nabavke.

Iz Zapisnika je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 8 (osam);
- da su blagovremeno zaprimljene 8 (osam) ponuda;
- da nema neblagovremeno zaprimljenih ponuda;
- da su ponude ponuđača: Euro Still d.o.o. Doboj, HIFA PETROL d.o.o. Sarajevo, Lumberjack d.o.o., ALI&VIS d.o.o. Kreševo, Drvorez d.o.o. Hadžići i Erax- Invest d.o.o. Banovići prihvatljive i ispunjavaju sve uslove i zahtjeve iz tenderske dokumentacije.
- da su ponude ponuđača BIOCONCEPT d.o.o. i ENSA BH d.o.o. nepravilne, u vezi s čim su odbačene, jer ne ispunjavaju uslove iz tenderske dokumentacije.

Komisija je ustanovila da je u ponudi ponuđača BIOCONCEPT d.o.o broj 39/25 od 11.06.2025.godine dostavljeno ovlaštenje kojim direktor Barbara Bumbulović, ovlašćuje Dušku Đurić da u njeno ime i za račun preduzeća može „vršiti izradu tenderske dokumentacije kao i kontakt osobu ispred gore navedenog preduzeća“. S obzirom na sadržaj Zakona o obligacionim odnosima ("Sl. list SFRJ", br. 29/1978, 39/1985, 45/1989 - odluka USJ i 57/1989, "Sl. list RBiH", br. 2/1992, 13/1993 i 13/1994 i "Sl. novine FBiH", br. 29/2003 i 42/2011) koji u članu 91. propisuje obim ovlaštenja punomoćnika, Komisija je donijela zaključak da naprijed pomenuto ovlaštenje ne sadrži opis ovlasti punomoćnika na prihvatljiv način, tražen članom 15.6 tenderske dokumentacije. Komisija je zaključila da nije navedeno da punomoćnik ima ovlasti za sastavljanje ponude u ovom postupku nabavke te za davanje izjava koje su sastavni dio ponude, s obzirom na činjenicu da ponuđač ne sastavlja tendersku dokumentaciju nego ponudu po tenderskoj dokumentaciji. Takođe u navedenim izjavama, ponuđač za davaoca izjava nije naveo položaj u preduzeću. Dakle, zbog navedenog nije postupljeno prema odredbama tenderske dokumentacije te je stoga ponuda odbačena u skladu sa članom 68. stav (4) tačke d) i i) ZJN jer nije potpuna i ne ispunjava zahtjeve iz tenderske dokumentacije.

U ponudi ponuđača „ENSA BH“ d.o.o. broj: 151-TD/25 od 10.06.2025.godine nije dostavljen „nacrt okvirnog sporazuma“ a što je bio obavezan po članu 14.2. tačka j) tenderske dokumentacije. Ponuđač nije postupio prema odredbama tenderske dokumentacije te je stoga ponuda odbačena u skladu sa članom 68. stav (4) tačke d) i i) ZJN jer nije potpuna i ne ispunjava zahtjeve iz tenderske dokumentacije.

Obzirom da je održavanje e-aukcije bilo predviđeno tenderskom dokumentacijom, Komisija je zakazala e-aukciju dana 19.06.2025. godine u 13:00 sati. Nakon što je na portalu javnih nabavki www.ejn.gov.ba kreiran Izvještaj o toku i završetku e-aukcije dana 19.06.2025. godine, kreirana je konačna rang lista ponuđača koji su učestvovali na e-aukciji, prema kriteriju najniže ponudene cijene.

Iz Izvještaja o toku i završetku e-aukcije je ustanovljeno da je bilo snižavanja i nadmetanje kako je vidljivo iz Izvještaja i da je konstatovana sljedeća rang lista ponuđača u slučaju primjene kriterija najniža cijena, nakon održane e-aukcije:

	Naziv / ime ponuđača	Konačna cijena u KM (bez PDV-a)
1.	ALI&VIS d.o.o.	162.099,50
2.	ERAX-INVEST d.o.o.	162.100,00
3.	DRVOREZ d.o.o.	172.000,00
4.	LUMBERJACK d.o.o.	173.436,00
5.	EURO STIL d.o.o.	174.155,00
6.	HIFA-PETROL d.o.o.	174.330,00

Ugovorni organ je dostavio dokumentaciju o izboru najpovoljnijeg ponuđača koju je ponuđač „Ali & Vis“ d.o.o. Kreševo zaprimio dana 26.06.2025. godine. Isti ponuđač je propustio u roku dostaviti originale ili ovjerene kopije kojima dokazuje ispunjavanje uslova obuhvaćenim Izjavom po članu 45. Zakona o javnim nabavkama propisano tenderskom dokumentacijom koje je izabrani ponuđač bio u obavezi dostaviti. Iz navedenog razloga ponuda i izbor najpovoljnijeg ponuđača je poništena ovom odlukom.

Ugovorni organ je postupio u skladu sa odredbama člana 72. stav(3) tačka a) Zakona o javnim nabavkama na osnovu čega je donio ovu Odluku o izboru drugorangiranog ponuđača i dodjelu ugovora.

Ugovorni organ će ukoliko se ispune svi propisani uslovi Zakona o javnim nabavkama okvirni sporazum dostaviti i dodijeliti drugorangiranom ponuđaču „Erax- Invest“ d.o.o. Banovići, ponuda broj: 097-AD/25 od 16.06.2025 godine, te je odlučeno kao u članu 1. dispozitiva ove Odluke.

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.

Dostaviti

- 1.Euro Still doo,
- 2.HIFA- PETROL doo,
- 3.Lumberjack doo,
- 4.ALI&VIS doo,
- 5.Drvorez doo,
6. Erax Invest doo i
- 7.a/a



SEKRETAR

Zdenka Marijanović, dipl. pravnik